





欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書





皇清職貢圖

卷七

雲南等府黑羅羅

以下雲南省

雲南等府黑羅羅婦

雲南等府白羅羅

雲南等府白羅羅婦

雲南等府乾羅羅

雲南等府乾羅羅婦



二16  
2242  
8

廣南等府妙羅羅

廣南等府妙羅羅婦

曲靖等府熨夷

曲靖等府熨夷婦

景東等府白人

景東等府白人婦

曲靖等府狃人

曲靖等府狃人婦

廣南等府沙人

廣南等府沙人婦

廣南等府儂人

廣南等府儂人婦

順寧等府蒲人

順寧等府蒲人婦

麗江等府怒人

麗江等府怒人婦

皇清歲次丁酉



鶴慶等府徠人

鶴慶等府徠人婦

武定等府羅婺蠻

武定等府羅婺蠻婦

臨安等府土獠

臨安等府土獠婦

元江等府窩泥蠻

元江等府窩泥蠻婦

臨安等府苦蔥蠻

臨安等府苦蔥蠻婦

臨安等府撲喇蠻

臨安等府撲喇蠻婦

雲南等府撒彌蠻

雲南等府撒彌蠻婦

曲靖等府苗人

曲靖等府苗人婦



普洱等府莽人

普洱等府莽人婦

姚安等府獐獐蠻

姚安等府獐獐蠻婦

武定等府摩察蠻

武定等府摩察蠻婦

楚雄等府扯蘇蠻

楚雄等府扯蘇蠻婦

臨安等府牯雞蠻

臨安等府牯雞蠻婦

麗江等府麼些蠻

麗江等府麼些蠻婦

鶴慶等府古棕番

鶴慶等府古棕番婦

永北等府西番

永北等府西番婦



大理等府我昌蠻

大理等府我昌蠻婦

曲靖府海裸獮

曲靖府海裸獮婦

廣西府阿者獮

廣西府阿者獮婦

曲靖府魯屋獮

曲靖府魯屋獮婦

武定府麥岔蠻

武定府麥岔蠻婦

姚安府曼且蠻

姚安府曼且蠻婦

順寧府利米蠻

順寧府利米蠻婦

開化府普岔蠻

開化府普岔蠻婦



永昌府西南界縹人

永昌府西南界縹人婦

雲南等府黑羅羅



皇清職貢圖 卷十



雲南等府黑羅羅婦



黑羅羅為滇夷貴種凡土官營長皆其族類  
 散居雲南曲靖臨安潯江武定廣西東川昭  
 通楚雄順寧蒙化等府在鶴慶者又號海西  
 子自唐時隸東西兩爨部落元收其地為郡  
 縣分處各屬其居處斲木代瓦名曰苦片男  
 子青布纏頭或戴箬帽布衣羶衫婦亦以青  
 布蒙首布衣披羊皮纏足著履言語飲食頗  
 類齊民性樸魯好射獵歲時用雞酒搖木鐸



以祝

國祈年土宜稻黍輸稅惟謹

雲南等府白羅羅





雲南等府白獮獮婦



白獮獮于夷種為賤雲南等府及開化景東  
皆有之一名撒馬都又稱為洒摩其部落貢  
稅與黑獮獮同居處依山箐或居村落男子  
以布蒙首衣短衣胸掛繡囊著革履婦女椎  
髻蒙以青藍布綴海巴錫鈴為飾纏足著履  
勤於耕作婚姻以牛馬納聘祭用丑月插山  
榛三百枝於門誦經羅拜有占卜則投麥於  
水驗其浮沉其言語飲食輸賦稅均類齊民



雲南等府乾羅擺





雲南等府乾羅羅婦



乾羅羅唐時隸東爨部落今與黑白二種散  
處雲南曲靖東川三郡無專設土司居尚樓  
屋食貴鹽蒜人貌皆黑男子束髮纏頭耳綴  
圈環衣花布短衣披羊皮用麻布裹脛著草  
履婦女以白麻分辮束髮頂綴海巴其婚嫁  
以奢侈相誇每食插箸飯中擎拳默祝以為  
報本性勇好鬪不通華言頗勤耕織樵採歲  
輸賦稅



廣南等府妙羅





廣南等府妙羅羅婦



妙羅羅皆土蠻官舍之裔或稱虎頭營長或稱官娜與黑白諸種異廣南元江開化鎮沅大理楚雄永昌永北麗江姚安十府皆有之無部落隨各屬土流兼轄貌獐性悍善用鏢弩耕種山地冬月圍爐中堂舉家卧其側男子椎髻短衣婦女青布纏頭以幅布披右肩縮於左腋短衣短裙跣足無袴婚姻聽女擇配其輸租稅與各種同



曲靖等府僉夷





皇清職貢圖 卷七  
曲靖等府僂夷婦



僂夷一名擺夷漢為叵邁甸唐為步維嶧峨  
二部元初內附其部落接壤緬甸車里今雲  
南曲靖臨安武定廣南元江開化鎮沅普洱  
大理楚雄姚安永北麗江景東十五府皆有  
之隨各屬土流兼轄與齊民雜處男子青布  
裹頭簪花飾以五色線編竹絲為帽青藍布  
衣白布纏脛恒持巾悅婦盤髮於首裹以色  
帛繫綵線分垂之耳綴銀環著紅綠衣裙以



小合包二三枚各貯白金於內時時攜之地  
產五穀宜收麥輸納糧稅常入市貿易

景東等府白人





景東等府白人婦



白人其先居大理白崖川即金齒白蠻部皆  
 僂種後居景東府地而雲南臨安曲靖開化  
 大理楚雄姚安永昌永北麗江等府俱有之  
 隨各屬土流兼轄其居處與民相雜風俗衣  
 食悉倣齊民有讀書應試者亦有纏頭跣足  
 衣短衣披羊皮者又稱民家子歲輸賦稅





曲靖等府种人



曲靖等府狛人婦



狛人與黔省狛家苗同一族類曲靖昭通與黔接壤故所屬皆有之在曲靖者宋時隸摩彌部在昭通者唐以後均隸烏蒙部

本朝改設流官管轄其人好樓居男子纏頭短衣跣足婦女以青布為額箍如僧帽然飾以海巴耳綴大環衣花布緣邊衣裙富者或以珠綴之白布束脛纏足著履男女皆勤耕作輸賦稅嗜食犬鼠風俗樸陋



廣南等府沙人





廣南等府沙人婦



沙人安南土酋沙氏之裔明初隸廣南廣西  
府屢不靖沐氏討平之後土官沙定洲據會  
城為李定國所擒

本朝順治十五年平滇與迤東各郡同時歸順  
歲輸糧賦散處廣南廣西曲靖臨安開化等  
五府其居多在高山深箐名曰掌房寢無衾  
枕坐牛皮中擁火達旦以耕漁射獵為生出  
入帶刀弩性狡而悍男女衣飾頗類齊民其



風俗多同儂人而慄勁過之

廣南等府儂人





廣南等府儂人婦



儂人其土酋儂姓相傳為儂智高之裔宋時  
池曰特磨道明改廣南府

本朝平滇設流官仍授儂氏後為土同知今廣  
南廣西臨安開化等府有此種喜樓居脫履  
而登坐卧無床榻男子以青藍布纏頭衣短  
衣白布纏脛婦束髮裹頭短衣密鈕繫細摺  
桶裙著繡花履性悍好鬪出則攜鏢弩其類  
與沙人相似歲納糧賦



順寧等府蒲人





順寧等府蒲人婦



蒲人即蒲蠻相傳為百濮苗裔宋以前不通  
 中國元泰定間始內附以土酋猛氏為知府  
 明初因之宣德中改土歸流今順寧澂江鎮  
 沅普洱楚雄永昌景東等七府有此種居多  
 傍水不畏深淵寢無衾榻食惟菽稗男子青  
 布裹頭著青藍布衣披氈褐佩刀跣足婦青  
 布裹頭著花布短衣長裙跣足常負米入市  
 供賦稅



麗江等府怒人





麗江等府怒人婦



怒人以怒江甸得名明永樂間改為潞江長  
官司其部落在維西邊外過怒江十餘日環  
江而居

本朝雍正八年歸附流入麗江鶴慶境內隨二  
府土流兼轄性猛悍能以弓矢射獵男子編  
紅藤勒首披髮麻布短衣紅帛為袴而跣足  
婦亦如之常負筐持囊刷黃連亦知耕種以  
虎皮麻布黃蠟等物由維西通判充貢



鶴慶等府球人





鶴慶等府徠人婦



徠人居瀾滄江大雪山外係鶴慶麗江西域  
 外野夷其居處結草為廬或以樹皮覆之男  
 子披髮著麻布短衣袴跣足婦耳綴大銅環  
 衣亦麻布種黍稷劬黃連為生性柔懦不通  
 內地語言無貢稅更有居山巖中者衣木葉  
 茹毛飲血宛然太古之民徠人與怒人接壤  
 畏之不敢越界



武定等府羅婺蠻





武定等府羅婺蠻婦



羅婺自宋時大理段氏立羅武部長至元明  
俱轄於土司嘉靖中改歸流官其部落流入  
雲南大理楚雄姚安永昌景東等七府居多  
在山林高阜藉地寢處男子挽髮戴笠短衣  
披氊衫佩刀跣足耕種輸稅婦人辮髮垂肩  
飾以珠石短衣長裙皆染皂色其地產火草  
績而為布理粗質堅衣服之餘或貿於市



臨安等府土獠





臨安等府土獠婦



土獠一名土老亦名山子相傳為鳩獠種亦  
滇中烏蠻之一從蜀黔粵西之交流入滇境  
散居臨安澂江廣西廣南開化昭通等府與  
齊民雜居男子首裹青帨著麻布衣常負竹  
籠盛酒食入市貿易婦女高髻紅巾縫花布  
方幅于短褐其治生最勤生子置水中浮則  
養之沈則棄之今俗亦漸革矣鼓噪而祭謂  
之逐福其土宜雜糧輸租賦







元江等府窩泥蠻婦



窩泥本和泥蠻之裔南詔蒙氏置威遠睽稱  
和泥為囚遠部明置元江府東至元江南至  
車里西至威遠北至思陀皆和泥種今雲南  
臨安景東鎮沅元江五府皆有之其人居深  
山中性樸魯面黧黑編麥稽為帽以火草布  
及麻布為衣男女皆短衫長袴耕山牧豕納  
糧賦常入市貿易亦有與齊民雜處村寨者  
其俗女適人以藤束膝下為別娶婦數年無



皇清取... 卷一  
子則逐之祭祀宴會擊鈺鼓吹蘆笙為樂

臨安等府苦蔥蠻





臨安等府苦蔥蠻婦



苦蔥蠻蠻之別種自元時歸附今臨安元江  
鎮沅普洱四府有此種居傍山谷男子椎結  
以藍布裹頭著麻布短衣跣足挾刀弩獵禽  
獸為食婦女短衣長裙常負竹籠入山採藥  
土宜禾稻歲輸糧賦其在三猛者以六月廿  
四日為年十二月廿四日為歲首至期烹羊  
豕祀先醉飽歌舞



臨安等府撲喇蠻





皇清職貢圖 卷一  
臨安等府撲喇蠻婦



撲喇一名撲腊古蒲那九隆之苗裔南詔蒙  
氏為尋甸部至元初內附今臨安廣西廣南  
元江四府俱有此種多居高山峻嶺男子束  
髮裹頭插雞羽著青布衣披羊皮跣足耕山  
種木棉取禽鳥為生婦青布裹頭青布長衣  
常負瓜蔬入市貿易其在王弄山者又名馬  
喇即其種類



雲南等府撒彌蠻



皇清昭真圖



雲南等州撒彌蠻婦



撒彌或作灑美其種類不蕃惟雲南曲靖二  
 府有之居處與齊民相雜其人面目多黑男  
 子椎結青布裹頭衣褐披氊白布束脛著草  
 履腰短刃俗嗜酒以角為杯頗勤耕種輸賦  
 稅間有知書者婦女青布裹頭縫合兩鬢間  
 如帽著綠衣披青布單繫白布短裙著履能  
 織布及毛褐







曲靖等府苗人婦



苗人相傳為槃瓠之種楚粵黔皆有之其在  
 滇省者惟曲靖東川昭通等府花苗隨各屬  
 土流兼轄其人喜居水濱耐寒暑男子青布  
 裹頭短衣跣足性狡而懦勤耕作婦女束髮  
 戴五色花冠耳綴銀環著紫布短衣繫繡花  
 布裙跣足能織苗錦常攜竹筐入市貿易遇  
 節序則擊銅鼓吹角賽神土宜雜糧輸稅惟

謹



普洱等府莽人





普洱等府莽人婦



莽人其先隸緬甸部落夷人稱其長曰莽紀  
 遂以為姓明嘉靖初與孟養木邦相仇殺為  
 其所破由此內附今普洱永昌二府有此種  
 與齊民雜處亦有木邦阿瓦種類其人體肥  
 力健男子束髮戴黑漆帽裹幅布於身跣足  
 婦人挽髻窄袖短衣緣邊袖裙編竹絲為器  
 盛食物狀如葫蘆俗勤耕織歲輸糧賦



姚安等府獐獍蠻





姚安等府獮獮蠻婦



獮獮相傳楚莊躋開滇時便有此種無部落  
 散居姚安麗江大理永昌四府其居六庫山  
 谷者在諸夷中為最悍其居赤石崖金江邊  
 地與永江連界者依樹木巖穴遷徙無常男  
 子裹頭衣麻布披氊衫佩短刀善用弩發無  
 虛矢婦女短衣長裙跣足負竹筐出入種菽  
 稗隨地輸賦



武定寺府摩察蠻





武定等府摩察蠻婦



摩察本黑獠獠苗裔而種類各別自元張立  
道為大理勸農使諸蠻相率來降收為郡縣  
今武定大理蒙化三府皆有之居處與黑獠  
獠同男子束髮裹頭耳綴大環短衣披氍衫  
佩短刀以木弓藥矢射鳥獸為食婦女阜布  
裹頭飾以砵礫短衣長裙跣足亦習射獵其  
有田地者種稻納糧



楚雄等府扯蘇蠻





楚雄等府扯蘇蠻婦



扯蘇蠻蠻部落之別種其陋似黑獬獬而性  
較強悍其歸順亦與黑獬獬同今楚雄等  
二府有此種其居處多結板屋於山巔叢  
間男子束髮裹頭著短衣披羊皮耕山輸  
稅婦女短衣長裙跣足頗知紡績俗以牛毛占  
晴雨



臨安等府拇雞蠻



皇清武定府圖

卷七

五

皇清武定府圖

卷七

五



臨安等府姆雞蠻婦



姆雞其先隸東爨部落元時隨諸蠻歸順臨  
安開化二府皆有此種在寧州王弄山者形  
貌獐惡在蒙自者侏離卉服皆轄於流官居  
多負險以竹為屋遷徙無常男子椎髻插雞  
羽短衣跣足婦女項垂纓絡短衣長裙緣以  
錦繡俗好鬪性愚而詐佩刀負弩捕生物即  
食有占卜用雞骨耕山種苡輸稅



麗江等府麼些蠻





麗江等府麼些蠻婦



麼此蠻宋時其長蒙醋據麗江元初平之置  
茶罕章宣慰司明以木氏為土知府今麗江  
鶴慶二府皆有之居處與齊民相雜性淳樸  
語多鳩舌男子雜髮戴氊帽著大領布衣披  
羊皮其讀書入學者衣冠悉同士子婦女高  
髻戴漆帽耳綴大環短衣長裙力作勤苦俗  
以正月五日登山祭神土宜菽稗歲輸糧賦



鶴慶等府古探番





皇清職貢圖 卷七  
鶴慶等府古狛番婦



古狛乃西番別種先為吐蕃部落與滇西北  
接壤流入鶴慶麗江景東三府土流兼轄與  
民雜居男子戴紅纓黃皮帽耳綴銀環衣花  
褐佩刀繫囊著皮靴婦人辮髮以珊瑚銀豆  
為飾著五色布衣裙披花褐於背足履革靴  
種青稞牧牛馬為生頗知禮法輸賦惟謹



永北等府西番



皇朝職官圖  
卷七

五

皇朝職官圖  
卷七

五



永北等府西番婦



西番本滇西北徼外夷又名巴苴流入永北  
 麗江二府居深山聚族而處男子辮髮戴黑  
 皮帽麻布短衣外披氍單以藤纏左肘跣足  
 佩刀伐竹為業不通漢語婦女辮髮綴以瑪  
 瑙碑礫亦衣麻披氍繫過膝桶裙跣足地種  
 菽稗納糧



大理等府義昌蠻



大理等府義昌蠻

卷二

大理等府義昌蠻

卷二



大理等府我昌蠻婦



我昌以喇為姓大理永昌二府有此種無部  
落雜處山谷間性畏暑濕男子束髮裹頭衣  
青藍短衣披布單婦女裹頭長衣無襦腰繫  
花褶而跣足刀耕火種畜牧紡織為生食用  
儉陋得禽蟲則生噉之婚聘用牛馬祭以犬  
占用竹三十枝如著莖然地產麻葛輸稅



曲靖府海標總





曲靖府海獮獮婦



海獮獮惟曲靖府有之一名墻獮獮居平川  
種水田土人以田畝廣延者為海或呼為霸  
故得名或云即白獮獮也與齊民雜處其服  
食語言俱相似惟與同類語則有別勤於耕  
作急公輸稅間有讀書者



廣西府阿者獬禪





皇清職貢圖 卷七  
廣西府阿者獯獯婦



阿者獯獯東楚烏蠻之苗裔唐南詔蒙氏為  
師宗彌勒維摩三部元初歸附設廣西路明  
改為府

本朝因之轄於流官性愚而勤男女皆短衣袴  
耳綴大環男跣足婦著履婚禮以牛為聘婿  
親負女而歸歲種雜糧計田輸稅



曲靖府魯屋羅





曲靖府魯屋獮獮婦



魯屋獮獮居處飲食類黑獮獮而別為一種  
元初歸附今惟曲靖府有之與齊民雜居男  
子束髮裹頭著青藍布短衣袴踏木履婦女  
戴青抹額耳綴大環短衣長裙跣足俗勤耕  
種亦能射獵土宜黍稷有甘苦二種



武定府麥公蠶





武定府麥岔蠻婦



麥岔蠻惟武定府屬有之武定在漢為越巂  
 郡越巂諸蠻所居麥岔亦其別種又宋時段  
 氏使烏蠻阿歷治其地名羅娑部今與羅娑  
 別為二其居處雜於齊民男挽髮短衣跣足  
 時負米糧入市勤于治生輸賦惟謹婦人裝  
 束與男略同娶婦以牝牛為聘吹笙飲酒地  
 產火草可織為布



姚安府嫚且蠻





姚安府嫚且蠻婦



嫚且蠻居姚安府姚安古百濮地漢為弄棟  
 蜻蛉二縣梁末沒於羣蠻至元始內附蠻人  
 居處與民相雜男婦皆纏頭衣麻布衣袴披  
 羊皮跣足喜歌嗜飲男吹竹笙女彈箎琴諧  
 婉可聽時攜酒入山竟日忘返近亦頗知治  
 生耕山種菽納稅惟謹



順寧府利米蠻





順寧府利米蠻婦



利米蠻狀貌黝黑頗類蒲蠻宋以前不通中國元泰定間始內附聚處順寧山箐中男子戴竹絲帽著麻布短衣腰繫繡囊善踏弩每射生得之即啖性愚樸不嫻拜跪禮婦女青布裹頭短衣跣足時出樵採負薪而歸刀耕火種土宜菽稗



開化府普念寶



開化府普念寶

卷七

十一



開化府普岔蠻婦



普岔隸開化府東安里極邊與安南接壤蓋  
 交州之苗裔也漢為句町國唐屬南詔明設  
 教化王弄安南三部長官司

本朝康熙六年置開化府十九年平滇以土人  
 周應龍世襲土經歷俾領其眾男女皆著青  
 白長領短衣披幅布緣邊如火焰以耕漁為  
 業土宜穀麥其有田者皆按畝輸稅



永昌府西南界標人





永昌府西南界縹人婦



縹人即驃人在永昌府西南徼外古朱波之  
裔其先為金齒驃國南詔常制之元初內附  
置宣撫使洪武中置府又置金齒衛保山縣  
今縣境有蒲縹寨因蒲人縹人流入得名其  
地青甃為圜城四隅作浮圖民居中鉛錫為  
瓦荔枝為材男子束髮衣青藍布短衣袴披  
氈片婦人當頂作高髻裹以白布衣短衫繫  
長裙其裙以莎羅布為之緣錦綴珠為飾俗



奉佛勤耕織每織一梭輒誦佛號時負竹筐  
入市貿易重約信有賒貸未嘗逋負







